

JAMHURI YA MUUNGANO WA TANZANIA

BUNGE LA TANZANIA



ORODHA YA SHUGHULI ZA LEO

MKUTANO WA NNE

KIKAO CHA SABA

15 SEPTEMBER, 2016



ORODHA YA SHUGHULI ZA LEO

MKUTANO WA NNE

KIKAO CHA SABA – TAREHE 15 SEPTEMBER, 2016

I. DUA:

II. MASWALI:

OFISI YA RAIS (TAMISEMI):

86. MHESHIMIWA NJALU DAUDI SILANGA
(ITILIMA):

Atamuuliza Mheshimiwa Waziri wa Nchi, Ofisi ya Rais (TAMISEMI):- Halmashauri ya Itilima ni mpya na ilianzishwa kwa mujibu wa Sheria, lakini mpaka sasa hivi haijapata fedha za kutosha kwa ajili ya shughuli za maendeleo ya Wilaya:-

Je, Serikali ina mpango gani wa kuipatia Halmashauri hiyo fedha za kutosha kwa ajili ya maendeleo yake.

WIZARA YA ULINZI NA JESHI LA KUJENGA TAIFA:

87. MHESHIMIWA JULIUS KALANGA LAIZER (MONDULI):

Atamuuliza Mheshimiwa Waziri wa Ulinzi na Jeshi la Kujenga Taifa:- Kwa muda mrefu kumekuwa na mgogoro wa mipaka kati ya Jeshi la Wananchi wa Tanzania na Kijiji cha Lashaine Wilayani Monduli, lakini Mwaka 2011 yalifikiwa makubaliano chini ya Mkuu wa Wilaya kuwa mipaka yenye mgogoro isomwe upya kwa kutumia GPS na Wananchi wa Kijiji cha Lashaine wamekuwa wakisubiri zoezi la kusomwa upya mipaka kwa muda mrefu:-

Je, Serikali itakamilisha lini makubaliano hayo kwa kutumia GPS kusoma mipaka upya ili kumaliza mgogoro huo.

WIZARA YA MAJI NA UMWAGILIAJI:

88. MHESHIMIWA LIVINGSTONE JOSEPH LUSINDE (MTERA):

Atamuuliza Mheshimiwa Waziri wa Maji na Umwagiliaji:- Upo Mradi wa Kilimo cha Umwagiliaji katika Kijiji cha Mpwayungu kwa jina maarufu MGANGALENGA wa muda mrefu na Serikali imegharamia fedha nyingi sana:-

Je, Serikali ina mpango gani wa kukamilisha Mradi huo ili Wananchi waweze kunufaika nao.

**89. MHESHIMIWA SIKUDHANI YASINI CHIKAMBO
(VITI MAALUMU):**

Atamuuliza Mheshimiwa Waziri wa Maji na Umwagiliaji:- Miradi ya Maji ya Benki ya Dunia nchini imekuwa ikisuasua sana, na hata ile iliyokamilika maji yamekuwa yakitoka wakati wa mvua tu:-

Je, ni lini Serikali itakamilisha miradi inayosuasua ikiwemo ile ya Wilaya ya Tunduru.

WIZARA YA UJENZI, UCHUKUZI NA MAWASILIANO:

**90. MHESHIMIWA MIZA BAKARI HAJI
(VITI MAALUMU):**

Atamuuliza Mheshimiwa Waziri wa Ujenzi, Uchukuzi na Mawasiliano:- Kumekuwepo na kutoridhishwa kwa Wananchi kutokana na barabara zetu kutengenezwa chini ya kiwango hali inayofanya barabara hizo kufanyiwa matengenezo mara kwa mara:-

(a) Je, Serikali inaweza kueleza ni barabara ngapi nchini zilizotengenezwa chini ya kiwango;

(b) Je, ni hatua gani zilizochukuliwa kwa waliosababisha tatizo hilo.

**91. MHESHIMIWA DUA WILLIAM NKURUA
(NANYUMBU):**

Atamuuliza Mheshimiwa Waziri wa Ujenzi, Uchukuzi na Mawasiliano:- Ujenzi wa barabara za lami hufuata Ilani ya Chama Tawala na matamko ya Viongozi. Katika ziara yake Wilayani Nanyumbu Rais wa Awamu ya Nne aliahidi ujenzi wa barabara ya Nangomba hadi Nanyumbu kwa kiwango cha lami:-

Je, ni lini Serikali itatekeleza ahadi hiyo.

**92. MHESHIMIWA ASHA ABDULLAH JUMA
(VITI MAALUM):**

Atamuuliza Mheshimiwa Waziri wa Ujenzi, Uchukuzi na Mawasiliano:- Gharama za usafiri wa Vyombo vya Baharini na Angani kwa safari za Zanzibar na Dar es Salaam ni za juu sana licha ya bei ya mafuta kupungua:-

Je, Serikali inachukua hatua gani kusaidia Wananchi hao kwa kudhibiti nauli hizo za Meli na Ndege kwa kushirikiana na Mamlaka husika toka pande zote mbili za Muungano.

WIZARA YA KILIMO, MIFUGO NA UVUVI:

93. MHESHIMIWA JOSEPH LEONARD HAULE (MIKUMI):

Atamuuliza Mheshimiwa Waziri wa Kilimo, Mifugo na Uvuvi:- Kilio kuhusu migogoro ya Wakulima na Wafugaji kimekuwa ni cha muda mrefu sana kwa Wilaya ya Kilosa lakini pia Jimbo la Mikumi Kata za Tindiga, Kilangali, Mabwerebwere jambo linalosababisha Wakulima kushindwa kwenda mashambani.

Je, ni lini Serikali itakomesha migogoro hiyo isiyo na tija kwa ustawi wa Taifa letu.

WIZARA YA ARDHI, NYUMBA NA MAENDELEO YA MAKAZI:

94. MHESHIMIWA DANIEL NICODEMUS NSANZUGWANKO (KASULU MJINI):

Atamuuliza Mheshimiwa Waziri wa Ardhi, Nyumba na Maendeleo ya Makazi:- Miji mingi nchini inakabiliwa sana na uhaba wa Maafisa Ardhi na Maafisa Mipango Miji:-

- (a) Je, ni kwa nini Serikali isianzishe utaratibu wa kuajiri Maafisa hawa moja kwa moja wanapohitimu Vyujo Vikuu;
- (b) Je, ni kwa nini Serikali isichukue jukumu la kununua vifaa vya kupimia ardhi kama vile darubini, GPS n.k. na kuvisambaza kwenye Miji yetu ikiwemo Mji wa Kasulu.

95. MHESHIMIWA STEPHEN HILLARY NGONYANI (KOROGWE VIJINI):

Atamuuliza Mheshimiwa Waziri wa Ardhi, Nyumba na Maendeleo ya Makazi:- Shamba la Mkonge la Hale Mwakinyumbi lilimilikiwa na Chavda Ltd lakini Serikali ililitoa shamba hilo kwa Wananchi wa Hale kwa matumizi yao lakini Wananchi hao hulima huku wakiwa na wasiwasi kila wakati:-

Je, kwa nini Serikali isiwakabidhi rasmi Wananchi wa Hale shamba hilo ili wawe na utulivu wanapoendelea na shughuli zao za kilimo.

III. MISWADA YA SHERIA YA SERIKALI:

*(Kusomwa Mara ya Pili, Kamati ya Bunge Zima na
Kusomwa Mara ya Tatu)*

Muswada wa Sheria ya Taasisi ya Utafiti wa Kilimo, wa Mwaka 2016 [*The Tanzania Agricultural Research Institute Bill, 2016*].

Muswada wa Sheria ya Taasisi ya Utafiti wa Uvuvi, wa Mwaka 2016 [*The Tanzania Fisheries Research Institute Bill, 2016*].

(Majadiliano Yanaendelea)

**DODOMA
15 SEPTEMBER, 2016**

**DKT. T. D. KASHILILAH
KATIBU WA BUNGE**